

«ТАСДИҚЛАНГАН»

«Туронбанк» АТБ Кенгашининг
2022 йил «25 » девралдаги
14-14 -сонли Қарори

«МАЪҚУЛЛАНГАН»

«Туронбанк» АТБ Бошқарувининг
2022 йил «23 » девралдаги
16/12 -сонли Қарори

№ 938

«ТУРОНБАНК»

АКЦИЯДОРЛИК ТИЖОРАТ БАНКИНинг

**“Коррупцияни олдини олиш ва унга қарши
курашиш чоралари тўғрисида”ги
СИЁСАТИ**

Тошкент – 2022

1 боб. Умумий қоидалар

1. "Туронбанк" АТБ тизимида коррупциянинг олдини олиш ва унга қарши курашиш чоралари тўғрисидаги сиёсат (кейинги ўринларда Сиёсат) - "Туронбанк" АТБ (бундан кейин матнда Банк) фаолиятида коррупция хукуқбузарликларининг олдини олиш, ҳалоллик сиёсатини таъминлаш, яъни ходимлар ва умуман жамиятда коррупцияга қарши курашиш маданиятини ошириш мақсадида юксак хулқ-атвор стандартларига мувофиқлик ва уларга барҳам беришга қаратилган ўзаро боғлиқ принциплар, Банк, унинг ходимлари, Банк номидан ва унинг манфаатларини ҳимоя қилиш учун ваколат берилган бошқа шахслар томонидан амалдаги коррупцияга қарши қонун хужжатлари нормаларига риоя этилишини таъминлашга қаратилган чора-тадбирлар мажмуидан иборат.

2. Мазкур хужжат 2008 йил 28 августдан кучга кирган Бирлашган Миллатлар ташкилотининг "Коррупцияга қарши" Конвенцияси, Ўзбекистон Республикасининг 2017 йил 3 январдаги "Коррупцияга қарши курашиш тўғрисида"ги ЎРҚ-419-сонли Қонуни, Ўзбекистон Республикаси Президентининг 2020 йил 29 июндаги ПФ-6013-сон "Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида"ги, 2021 йил 16 июндаги ПФ-6247-сон "Давлат органлари ва ташкилотларининг фаолияти очиқлигини таъминлаш, шунингдек жамоатчилик назоратини самарали амалга оширишга доир қўшимча чора-тадбирлар тўғрисида"ги фармонлари, Ўзбекистон Республикаси Президентининг 2019 йил 27 майдаги ПФ-5729-сонли" Ўзбекистон Республикасида коррупцияга қарши куаш тизимини янада такомиллаштириш чора-тадбирлари тўғрисида"ги Фармони ҳамда Ўзбекистон Республикаси Вазирлар Маҳкамасининг 2016 йил 2 марта 62-сон "Давлат бошқаруви органлари ва маҳаллий ижро этувчи ҳокимият органлари ходимларининг одоб-ахлоқ намунавий қоидаларини тасдиқлаш тўғрисида" қарорига мувофиқ коррупцияга қарши куаш соҳасидаги халқаро ташкилотлар тавсиялари ва илғор дунё тажрибаси, жумладан ISO 37001:2016 "Коррупцияга қарши куаш менежменти тизими – Талаблар ва уларни кўллашга доир тавсиялар" халқаро стандарти талаблари ва тавсияларини ҳисобга олган ҳолда ишлаб чиқилган.

3. Банк Сиёсатни ўз фаолияти спецификасидан келиб чиқиб қабул қиласи, ўзига хос ва қолдик коррупциявий хавф-хатар ва мавжуд ресурслар асосида коррупцияга қарши курашиш бўйича ўз механизмларини ишлаб чиқади ва жорий этади.

4. Куйидагилар Банкда коррупцияга қарши курашишнинг асосий мақсади ҳисобланади:

банк ходимлари томонидан Ўзбекистон Республикаси қонунлари ва коррупцияга карши курашишга доир ички ҳужжатлар талабларини тушуниш ва уларга риоя этилиши;

банкда коррупциявий хавф-хатарларни камайтириш ва коррупцияга барҳам бериш;

банкнинг барча фаолият соҳаларида коррупциянинг олдини олиш бўйича чоратадбирларни амалга ошириш;

аҳолининг банкнинг фаолияти юзасидан ҳуқуқий онги ва ҳуқуқий маданияти даражасини ошириш, жамиятда коррупцияга нисбатан муросасиз муносабатни шакллантириш;

банк ходимлари фаолиятининг шаффоғлиги ва хулқ-атвор меъёрларига мувоғиқлигини таъминлаш;

коррупциявий ҳаракатларни ўз вақтида аниқлаш, уларга барҳам бериш, уларнинг оқибатлари, уларни келтириб чиқарувчи сабаб ва шарт-шароитларни бартараф этиш, коррупциявий ҳаракатларни содир этганлик учун **жавобгарликнинг муқаррарлиги** тамойилини таъминлаш;

Банкда мавжуд коррупцияга барҳам бериш.

5. Мазкур Сиёсат талаблари эгаллаб турган лавозими ва бажараётган функциясидан қатъий назар банкнинг барча ходимлари учун бирдек амал қиласди.

6. **Банкга ишга кираётган ҳар қандай шахс мазкур Сиёсат билан имзо чеккан ҳолда танишишлари, унинг қонун-қоидаларига риоя қилиши лозим.**

7. Ушбу сиёсатнинг мақсадлари учун қуидаги асосий тушунчалар ва атамалардан фойдаланилади:

алоқадор шахслар - банк ходими билан тижорат ташкилотларининг устав капиталида иштирок этадиган шахслар, акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган микдордаги акцияга эга эканлиги бундан мустасно;

давлат органлари ва муассасалари – давлат ҳокимияти ва бошқаруви органлари, фуқароларнинг ўз-ўзини бошқариш органлари (жумладан, вазирликлар, хизматлар, агентлик, марказлар ва б. идоралар) ва уларнинг таркибий бўлинмалари, шунингдек давлат томонидан бевосита ёки билвосита назорат қилинадиган юридик шахслар;

иш фаолияти юзасидан меҳмондўстлик белгилари – учинчи шахсларнинг ҳамкорлик ўрнатиш ва/ёки уни қўллаб-қувватлаш билан боғлиқ бўлган, Банк ходимларининг содиқлигини оширишга қаратилган, Банк ходимлари манфаатлари йўлидаги ҳаражатлари, жумладан учинчи шахсларнинг овқатланиши, иш фаолияти юзасидан тушликлар ташкил этилиши билан боғлиқ ҳаражатлари, транспорт ҳаражатлари, яшаш, кўнгилочар тадбирлар, жумладан саёҳат дастурлари билан боғлиқ ҳаражатлар ва ҳ.к.;

контрагент – Банк билан шартномавий муносабатларга киришган (мехнат муносабатлари бундан мустасно) ҳар қандай юридик ёки жисмоний шахс;

коррупция – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий

ёки номоддий наф олиш мақсадида қонунга хилоф равища фойдаланиши, худди шунингдек бундай нафни қонунга хилоф равища тақдим этиш;

коррупциявий хавф-хатар – Банк ходимлари ёки учинчи шахслар томонидан банк номидан ёки уларнинг манфаатлари йўлида коррупциявий ҳаракатларни амалга ошириш хавфи;

коррупциявий ҳаракатлар – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан пул, қимматбаҳо қофоз, бошқа кўринишдаги мулк ва мулкий хуқуқлар, мулкий ҳарактердаги хизматлар олиш, талаб қилиш, ундириш, таклиф қилиш ёки бериш, пора бериш ва/ёки олиш ёки бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

коррупциявий хуқуқбузарлик – содир этилганлик учун Ўзбекистон Республикаси қонунчилигига жавобгарлик белгилаб қўйилган коррупция аломатларига эга ҳатти-ҳаракат;

коррупцияга қарши ички назорат тузилмаси – банкда коррупцияга қарши курашиш вазифаси юкланган таркибий тузилма;

коррупцияга қарши курашиш тизими – коррупциявий ҳаракатларнинг, Ўзбекистон Республикасининг коррупцияга қарши курашиш соҳасидаги қонунчилиги ва банкнинг коррупцияга қарши курашиш масалаларига доир ички хужжатлари бузилишининг олдини олиш, банк ходимлари томонидан ўз фаолиятини профессионал ва хулқ-атвор жиҳатдан юксак даражада амалга оширилишини таъминлаш бўйича комплекс чора-тадбирлар;

кронизм (фаворитизмнинг дўстона алоқаларга асосланган кўриниши) – дўстлар ёки ишончли шахсларга ноқонуний имтиёзлар тақдим этиш мақсадида ҳокимият ва/ёки обрўсидан фойдаланиш;

мансабдор шахс:

доимий, вактинча ёки маҳсус ваколат бўйича тайинланадиган ёки сайланадиган, ҳокимият вакили вазифаларини бажарадиган ёхуд давлат органларида, фуқароларнинг ўзини ўзи бошқариш органларида, мулк шаклидан қатъи назар, корхоналарда, муассасаларда, ташкилотларда ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни содир этишга ваколат берилган шахс,

халқаро ташкилотда ёхуд чет давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахс.

манфаатлар тўқнашуви — банк ходимининг шахсий (бевосита ёки билвосита) манфаатдорлик шахснинг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан фуқароларнинг, ташкилотларнинг, жамиятнинг ёки давлатнинг хуқуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият;

маҳаллийчилик – маҳаллий манфаатларнигина кўзлаб иш тутиш. Бунда, шахсни унинг наслий келиб чиқиши (аслзода ёки машхур сулола вакили эканлиги ва у жамоатчилик томонидан эътироф эътилганлиги) ҳамда яқин қариндошларининг

эгаллаб турган хизмат мавқеи сабабли, унинг лавозимга қўйиладиган малака талабларига мос келиш-келмаслигини ҳисобга олмаган ҳолда ишга қабул қилиш, ротация қилиш ва лавозимга тайинлаш;

непотизм (таниш-билишчилик, қариндош-уруғчилик; фаворитизмнинг кариндошлиқ ришталарига асосланган кўриниши) - ўзининг яқин қариндошлари ёки дўстларига ноконуний имтиёзлар бериш мақсадида ҳокимиятдан фойдаланиш ва (ёки) таъсир ўтказиш, шунингдек, яқин қариндошлари ва (ёки) дўстларига асоссиз мукофотлар ҳисоблаш, банк манфаатлари зарарига, яқин қариндошлари ва дўстларини ишга қабул қилиш ва лавозимга тайинлашлар;

расмиятчиликларни соддалаштириш учун тўловлар – белгиланган тартиб-таомиллар ёки харакатларни содир этиш билан боғлиқ стандарт тартиблар амалга оширилишини таъминлаш ёки тезлаштириш мақсадида тегишли қонунчилик ва норматив меъёрлар ҳамда қоидаларда кўзда тутилмаган ноконуний равишда тақдим этиладиган пул маблағлари, мол-мулк, мулкий ҳукуқлар, хизматлар ҳамда бошқа моддий ва номоддий фойда;

уруғ-аймоқчилик – банк ходимининг авлод-аждодлари бир бўлган, бир сулолага мансублик асосида учинчи шахсларга нисбатан субъектив, имтиёзли ва нохолис муносабат шаклидаги шахсий манфаатдорлиги;

фаворитизм – банк ходими бошқа шахс ва/ёки шахслар гурухи манфаатларига қараганда битта шахс ва/ёки шахслар гурухи манфаатларига уступор аҳамият қаратиши, банқда кадрларни танлаш ва жойлаштириш, лавозимини кўтариш, мукофот пули бериш ва давлат мукофотларига тавсия этиш, таътил бериш ёки сиҳатгоҳлар ва хорижий сафарларга юбориш, мурожаатлар, шунингдек иш ва навбатчилик жадвалларини кўриб чиқишида кетма-кетликни йўлга қўйиш билан боғлиқ вазиятларда тартибларга риоя қиласли.

хайрия (хайрия ёрдами) – юридик ва жисмоний шахслар (хайрия қилувчилар)нинг ташкилот учун бепул ёки имтиёзлар асосида моддий ва/ёки номоддий бойликлар, хусусан, пул маблағлари шаклидаги бойликларни топшириш, улар учун маълум ишларни бажариш, хизматлар кўрсатиш ва хайрия максадларида бошқа қўллаб-кувватлашларни тақдим этишда намоён бўладиган ихтиёрий беғараз ёрдами;

халқаро ташкилот – давлатлар, ҳукumatлар ёки бошқа халқаро ташкилотлар томонидан ташкилий шакли ва ваколатларидан қатъий назар ташкил этилган ҳар қандай халқаро ташкилот, жумладан, масалан иқтисодий интеграция бўйича минтақавий ташкилотлар.

ходим – банк билан меҳнат муносабатларига киришган жисмоний шахс;

ҳомийлик (ҳомийлик ёрдами) – юридик ва жисмоний шахслар (ҳомийлар) томонидан банк (ҳомийлик қилинаётган муассасалар)га улар учун ишлар бажариб бериш, хизматлар кўрсатиш ва ҳайрия максадларида бошқа турдаги ёрдамларни кўрсатиш, мол-мулк, жумладан пул маблағлари тақдим этиш билан ифодаланадиган ёрдами ҳисобланиб, уларнинг натижасида банк муассасаларида ҳомий олдида ўзаро мажбуриятлар юзага келади;

шафелик – банк ходимининг лавозими юқорироқ бўлган бошқа ходим томонидан қулай меҳнат шароитларини яратиб бериш шаклидаги ҳимояси, уни ёқлаб ёнини олиши;

яқин қариндошлар – бир-бирига қариндошлиқ ёки яқин алоқаси бор шахслар, яъни ота-она, туғишган ҳамда тутинган ака-укалар ва опа-сингиллар, эрхотин, фарзандлар (жумладан асраб олинган фарзандлар), бувалар, бувилар, набиралар, шунингдек эр (хотин)нинг ота-онаси, туғишган ва тутинган ака-укалари ва опа-сингиллари.

8. Бундан кейин Ўзбекистон Республикасининг амалдаги қонунчилигига ўзгартириш ва қўшимчалар киритиладиган бўлса, ушбу сиёsat сўз юритилаётган ўзгартишларга мувофиқлаштирилгунга қадар Ўзбекистон Республикасининг амалдаги қонун хужжатларига зид бўлмаган даражада амал қиласди.

2 боб. Коррупцияга қарши курашишнинг муҳим тамойиллари

9. Коррупцияга қарши кураш тизими қуйидаги тамойиллар асосида ташкил этилади ва фаолият юритади:

қонунийлик – банкдаги коррупцияга қарши курашиш бўйича чора-тадбирлар Ўзбекистон Республикаси қонунчилиги талабларига мувофиқ давлат органларида коррупцияга қарши курашиш бўйича илғор дунё тажрибаси, шунингдек банк ички хужжатларига қатъий риоя қилган ҳолда амалга оширилади;

коррупцияга нисбатан муросасизлик (тоқатсизлик) – банк ўз фаолиятининг барча соҳаларида коррупциянинг ҳар қандай шакллари ва кўринишларига муросасиз (тоқатсиз) муносабатда бўлади. Банк ҳодимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш қатъиян тақиқланади;

очиқлик ва шаффоффлик – банк ҳодимлари ва контрагентлари, кенг жамоатчиликни банкда қабул қилинган ва амалга оширилаётган чора-тадбирлар тўғрисида хабардор қилиш (махфийлик ва хизмат сири тўғрисидаги қонун хужжатлари талабларини ҳисобга олган ҳолда);

коррупцияга қарши амалга оширилаётган чора-тадбирларнинг превентив хусусиятга эга бўлиши, тизимлилиги ва яхлитлиги - коррупциянинг олдини олиш, коррупциявий харакатларнинг содир этилишига хизмат қилувчи сабаб ва шартшароитлар ҳамда коррупциявий хатарларни бартараф этишга қаратилган чора-тадбирларни амалга оширишнинг устуворлиги. Коррупцияга қарши жорий этилаётган чора-тадбирлар ва тартиб-таомиллар аниқланган хавф-хатарлар даражасига мос келиши ва банкнинг барча функциялари ва йўналишларини қамраб олган коррупцияга қарши курашиш тизимига бирлаштирилиши;

коррупция билан боғлиқ хукуқбузарликлар учун жавобгарликнинг муқаррарлиги - коррупция билан боғлиқ хукуқбузарликларни содир этган банк ҳодимлари ўзининг мавқеи ва эгаллаб турган лавозимидан қатъий назар **Ўзбекистон Республикаси қонунчилиги ва банкнинг ички хужжатларига мувофиқ жавобгарликка тортилади**;

илмий-техник тараққиёт ютуқлари ва ахборот технологияларидан фойдаланиш – банк коррупцияга қарши кураш тизимини шакллантиришда илм-фан тараққиётининг сўнгги ютуқларидан, шу жумладан, интеграциялаштирилган ахборот-коммуникация тизимларидан кенг фойдаланишга интилади;

тўғридан-тўғри раҳбариятга мурожаат қилиш – банкнинг ҳар бир ҳодими коррупциявий харакат содир этилганлигига доир ишончли ва асосли маълумотлар мавжуд бўлганда Ўзбекистон Республикаси қонунчилиги ва банкнинг ички

хужжатларида кўзда тутилган чора-тадбирларни қабул қилиш учун **Комплаенс назорат ҳудудий менеджери ёки унинг директори ҳамда Бошқарув Раисига хеч қандай тўсиқсиз мурожаат қилиши мумкин;**

фуқаролик жамияти вакиллари билан ўзаро ҳамкорли – банк ўзига юклатилган функцияларни бажаришда уларнинг фаолияти устидан мустақил ва холис назоратни амалга ошириш мақсадида фуқаролик жамияти вакилларини жалб қиласди;

мониторинг, таҳлил ва баҳолаш: Банк даврий асосда коррупцияга қарши курашиш тизими фаолияти мониторинги ва таҳлилини амалга оширади, шунингдек унинг самарадорлик ва натижадорлик кўрсаткичларини баҳолайди.

коррупцияга қарши курашиш тизимини доимий равища такомиллаштириш - коррупциянинг олдини олиш ва унга қарши курашиш тизимини мониторинг ва назорат қилиш ҳамда коррупциявий хавф-хатарларни бартараф этиш мақсадида Банкда коррупцияга қарши курашиш самарадорлигини тўхтовсиз равища ошириш чоралари кўрилади.

3 боб. Коррупцияга қарши кураишнинг асосий йўналишлари

1-§. Манфаатлар тўқнашувини бошқариш

10. Банк ходимлари ўз лавозим мажбуриятларини ҳалол ва вижданан бажариши, ўз мансаб ва хизмат мавқеидан ва банк тасарруфидаги мол-мулклардан шахсий манфаатдорлик йўлида фойдаланмаслиги ва манфаатлар тўқнашувига олиб келиши мумкин бўлган вазиятлардан сақланиши лозим.

11. **Банк ходимлари ишга қабул қилинаётганда, лавозими кўтарилаётганда ва ротация қилинаётганда** ҳар йили ва тегишли вазиятлар/шарт-шароитлар юзага келишига қараб манфаатлар тўқнашувига олиб келадиган ёки олиб келиши мумкин бўлган шахсий манфаатдорлигига доир ахборотни очиқлаши лозим.

12. Банк ходимлари томонидан манфаатлар тўқнашуви ва уни тартибга солишига доир ахборотни очиқлаш жараёни банкда манфаатлар тўқнашувини бошқариш тартиби тўғрисида ички идоравий ҳужжатда белгилаб қўйилади.

13. Манфаатлар тўқнашувини аниқлаш учун самарали назорат тартиб-таомиллари банк ходимларининг учинчи шахслар билан ўзаро алоқаси рўй берадиган барча функцияларга жорий этилиши лозим (*масалан, танлов савдоларини ташкил қилиши, рейтингларни ҳисоблаш ва ҳ.к.*).

2-§. Иш юзасидан совғалар ва меҳмондўстлик белгиларини қабул қилиш

14. Банк ходимларига ўз хизмат мажбуриятларини бажариши доирасида жисмоний ва юридик шахслардан совғалар меҳмондўстлик белгилари, жумладан қарз, кафолатлар, кафиллик, мукофот, моддий ёрдам, нақд пулсиз ва нақд пул маблағлари ёки уларнинг эквивалентлари, қимматбаҳо қофозлар, криптовалюта, бошқа моддий қадриятлар ёки хизматлар кўринишидаги рағбат воситаларини олиш **тақиқланади**.

Бунда, конференциялар, семинарлар ва турли шу каби учрашувларда тақдим этиладиган **умумий қиймати базавий ҳисоблаш миқдорининг 1 бараваридан ошмайдиган буюмлар** бундан истисно ҳисобланади.

15. Банкда ички коррупциянинг олдини олиш мақсадида ходимлар ўртасида хизмат мажбуриятларини қабул қилиш билан боғлиқ бўлмаган ва ходим шахси билан боғлиқ деб эътироф этилган совғаларни беришда қуйидагиларга риоя қилинади:

совға олувчи учун манфаатлар тўқнашуви вазиятини келтириб чиқармаслиги ва совға берувчи олдида бирор-бир мажбуриятларни юзага келтирмаслиги лозим;

совға очик-ойдин берилади, совға берилаётгани яширилмайди;

совғани фақат умумэътироф этилган байрамлар (таваллуд айёми, фарзанд туғилиши, Ватан ҳимоячилари куни, Халқаро хотин-қизлар куни, Янги йил ва ҳ.к) муносабати билан беришга рухсат этилади;

совғалар Туронбанкнинг камида учта ходими иштирокида берилиши лозим;

совғани бериш чоғида совға бериш учун сабаб бўлган воқеа-ҳодиса аниқ баён этилади;

совғанинг умумий қиймати (барча солиқ ва йиғимлар билан бирга) **базавий ҳисоблаш миқдорининг 5 (беш) баробаридан ошмаслиги лозим**;

банкнинг бир ходими иккинчи ходимга совға олиш учун сарфлайдиган сумма миқдори ҳар ҳолатда **базавий ҳисоблаш миқдорининг 1 (бир) баробаридан ошмаслиги лозим**.

16. Шубҳа (гумон)лардан ҳоли бўлиш учун ҳар қандай байрамлар (жумладан, лекин чекланмаган ҳолда туғилган кун, фарзанд туғилиши, Ватан ҳимоячилари куни, Халқаро хотин-қизлар куни, Янги йил ва ҳ.к) муносабати билан мазкур Сиёсатнинг 13 ва 14-бандларида келтириб ўтилмаган бошқа давлат органлари ва ташкилотлари ходимлари, ҳамкорлар ва контрагентлар, бошқа жисмоний ва юридик шахслардан олинадиган мазкур Сиёсатнинг 13-бандида санаб ўтилган совғалар ва моддий бойликлар **олиш тақиқланади**.

17. Банк номидан халқаро конференциялар, симпозиумлар ва бошқа иш юзасидан (хизмат) учрашувларида совғалар бериш **Бошқарув Раиси буйруғига мувофиқ амалга оширилади**.

18. Совға бериш, уни қабул қилишнинг қонунийлигига шубҳа туғилган тақдирда банк ходими Комплаенс назорат департаментига **маслаҳат сўраб мурожаат қилиши лозим**.

3-ғ. Банк ходимларининг иш фаолияти юзасидан ўтказиладиган тадбирларда иштирок этиши

19. Банк ходимларининг халқаро ва бошқа ташкилотлар таклифига кўра иш фаолияти юзасидан ўтказиладиган тадбирлари (кўргазмалар, семинарлар, конференциялар ва ҳ.к.)да иштирок этишига куйидаги шартларга риоя қилган тақдирда рухсат этилади:

тадбир Ўзбекистон Республикаси қонунчилиги, мазкур Сиёсат тамойиллари ва талаблари ҳамда Банкнинг бошқа ички ҳужжатларига мос келса;

тадбир банк ёки таклиф этган томоннинг қонуний манфаатларига хизмат қилса;

тадбир банк ходимлари томонидан у ёки бу қарорлар қабул қилинишига таъсир қилмаслиги, бирор-бир ноқонуний афзалликларни кўлга киритишини (масалан, буюртмачиларга тадбирни ўтказаётган лойиҳа-тадқиқот ташкилотига мурожаат қилишни тавсия қилиш) кўзлаган яширин ноқонуний мукофотлаш мақсади бўлмаслиги лозим;

Тадбир бундай тадбирда иштирок этишга доир маълумотлар ошкор қилинган тақдирда банк ва таклифни қабул қилувчи ёки таклиф этаётган томон мавқеи учун хатар туғдирмаслиги лозим;

Тадбир умумэътироф этилган илмий ва ишбилиармонлик амалиётига мос келиши ҳамда қўнгилочар мазмундаги хусусият касб этмаслиги лозим;

Тадбир моҳияти ва қийматига кўра ўринли бўлиши, ҳаддан зиёд ҳашаматли, қиммат, гайриодатий бўлмаслиги ва тез-тез такрорланиб турмаслиги лозим.

20. Агар ишбилиармонлик тадбирлари (семинар, симпозиум, давра сухбатлари ва ҳ.к.) ташкилотчиси банк ўзи бўлса, у ҳолда бундай ишбилиармонлик тадбири ушбу сиёsatда қайд этилган талабларга мос келиши лозим.

4-§. Кадрлар билан боғлиқ жараённи тартибга солиш (ходимларни танлаш, лавозимини ошириш, моддий рағбатлантириш)

21. Банк ходимларини танлаш, аттестациядан ўтказиш ва уларнинг фаолиятини баҳолаш, жумладан мукофот, устамалар ва рағбатлантиришнинг бошқа турларини амалга ошириш жараёни барча ходимлар учун шаффоф, тенг хуқуқли ва холис ҳисобланиб, мазкур Сиёsatнинг асосий тамойиллари ва талабларига мос келиши лозим.

22. Номзодларни Банкга танлаш ва тайинлаш жараёни Номзодларни банкга қабул қилиш учун текшириш бўйича қўлланма ва банкнинг бошқа ички хужжатларига, манфаатлар тўқнашувини бошқариш тартибига мувофиқ комплекс равишда текшириш билан бирга амалга оширилади.

23. Банкда ходимларга оид масалаларда қарор қабул қилувчи ходимларнинг лавозимини оширганда, лавозимга тайинланганда, кадрлар заҳирасига қўшганда ва ҳ.к.ларда номзод (ходим)ларга ҳар қандай асоссиз имтиёзлар тақдим этиши тақиқланади.

24. Бўш лавозимларга саралаб олиш эгалланаётган лавозимга қўйиладиган талабларга мувофиқ танлов асосида ёки бошқа усул ёрдамида амалга оширилиши лозим. Бунда номзоднинг малакаси, касбий ва илмий ютуқларига асосий эътибор қаратилади.

25. **Банкда ходимлар фаолияти самарадорлигининг муҳим қўрсаткичларини баҳолаш тартиби ва мезонлари ишлаб чиқилиши ва ходимлар унинг асосида рағбатлантирилиши лозим.** Мазкур қўрсаткичлар холис, шаффоф ва банк ходимлари танишиб чиқиши учун очик бўлиши лозим.

5-§. Текширувлар ўтказиш ва банкнинг бош оғиси ва унинг филиаллари фаолиятини ўрганиш

26. Турли текширувлар, ўрганишлар, мониторинг ўтказишида (кейинги ўринларда – текширув объектлари) банк ходимлари:

манфаатлар тўқнашуви юзага келишига йўл қўймаслиги;

текширув, ўрганиш, мониторинг обьекти текшируви, ўрганиши, мониторингини якка ўзи амалга оширмаслиги;

текширув, ўрганиш, мониторинг обьектига ташриф буюрувчилар ёки уларнинг вакиллари **Банк бош оғиси, унинг филиалларига шахсан ташриф** буюрганда улар билан ёлғиз қолмаслиги;

йўл қўйилиши мумкин бўлган қоидабузарликларни сохталаштириш мақсадида текширув, ўрганиш ўтказиш, Ўзбекистон Республикаси қонунчилик нормаларини нотўғри талқин қилмаслиги, текширилаётган обьект ходимларини аниқланган

фактларни ҳуқуқни муҳофаза қилиш ёки бошқа давлат органлариға топшириш билан қўрқитмаслиги;

текширув, ўрганиш, мониторинг обьекти ходимлариға таҳдид қилмаслиги;

хужжатларни сўраб олиш ва текширув, ўрганиш, мониторинг предметига кирмайдиган масалалар билан қизиқмаслиги лозим;

текширув, ўрганиш, мониторинг давомида аниқланган ҳар бир қоидабузарликнинг қонуний ва профессионал баҳоланишини таъминлаши;

коидабузарликларнинг видео ёки фотоқайдини амалга ошириши (ўрни келганда), Банк томонидан фойдаланиладиган ахборот тизимларига коидабузарликларга оид маълумотларни киритиши;

агар текширув, ўрганиш, мониторинг обьекти вакиллари Банк ходимиға аниқланган қоидабузарликларни яшириш мақсадида пора ёки ҳар қандай моддий бойликлар ёки хизматлар тақдим этаётган бўлса, бу ҳақида текширув бўйича **ишличи гурӯҳ раҳбариға ва Комплаенс назорат департаментига** зудлик билан хабар бериши;

текширув, ўрганиш, мониторинг обьекти вакилларига банк ходимларининг хулқ-автор тамойилларига мувофиқ холис муносабатда бўлиши шарт.

27. Банк томонидан ўтказилган текширувлар, ўрганишлар ва мониторинг натижалари юзасидан келиб тушган эътирозларни кўриб чиқиш учун комиссия ташкил этилади.

6-ғ. Ваколатли давлат органлари, контрагентлар ва учинчи шахслар билан шаффофф ва самарали ўзаро ҳамкорликни таъминлаш

28. Банк мазкур Сиёsat тамойиллари ва талаблари ҳамда Ўзбекистон Республикаси қонунчилик нормалариға зид ҳар қандай тўловларни ёки ҳаракатларни амалга ошириш учун етказиб берувчилар, пурратчилар ва бошқа учинчи шахсларни жалб қилмайди.

29. Контрагентлар билан муносабатларда банк қонунийлик ва шаффоффлик тамойилларига амал қиласди.

30. Банкда обьектив мезонлардан фойдаланишга асосланган етказиб берувчилар, пурратчилар ва бошқа контрагентларни танлашнинг ҳалол, очик ва шаффофф жараёни, шунингдек сотиб олинаётган товар ва хизматлар қийматини белгилашнинг шаффофф тартиби жорий этилиб, улар Ўзбекистон Республикасининг амалдаги қонунчилиги ва банкнинг ички хужжатлари билан тартибга солинади.

31. Контрагентлар билан ўзаро ҳамкорликда Банк:

Банкда контрагентларни текшириш бўйича йўриқнома ва Ўзбекистон Республикаси қонунчилиги талабларига мувофиқ потенциал контрагентнинг ишончлилиги, жумладан у ўтмишда коррупциявий фаолиятга жалб қилинган ёки қилинмаганлиги, банк ходимлари билан манфаатлар тўқнашуви мавжуд ёки мавжуд эмаслигини текширади;

потенциал контрагент, жумладан харид тартиб-таомиллари ғолибини у билан шартнома матнига маҳсус коррупцияга қарши шартларни қўшиш орқали ўзининг коррупцияга қарши тамойил ва талаблари ҳақида хабардор қиласди.

32. Ваколатли давлат органлари билан ўзаро ҳамкорлик қилишда (масалан, лицензия бериш, ихтисослаштирилган кенгашларда иштирок этиш, турли хужжатлар, обьектларни келишишда ва х.к) банк хужжатларни кўриб чиқишинг шаффоффлиги ва

холислигини таъминлайди ҳамда зарур ҳолларда мазкур давлат органлари томонидан салбий ва бошқа хулосаларга келиш сабаблари хусусида қўшимча маълумотларни талаб қиласди.

7-§. Хайрия ва ҳомийлик фаолиятининг шаффоф ва самарали жараёнини таъминлаш

33. Банк қонунчилик билан белгиланган ҳолатларда хайрия ва ҳомийлик ёрдамини қабул қилиши мумкин. Бундай ёрдамни олишда манфаатлар тўқнашувига йўл қўймаслик, маблағларни Ўзбекистон Республикаси қонунчилиги ёки шартномада кўрсатилган мақсадларга самарали ва мақсадли йўналтирилишини таъминлаш, шунингдек хайрия ва ҳомийлик фаолиятига доир ахборотни банкнинг Интернет тармоғидаги расмий веб-сайтида очиқлаш бўйича барча чора-тадбирлар амалга оширилади.

34. Банк томонидан қабул қилинаётган хайрия ёки ҳомийлик ёрдами яширин мукофот тарзида бўлмаслиги ва банкнинг алоҳида ходимлари томонидан хайрия қилувчи ёки ҳомий, унинг яқин қариндошлари, уларга алоқадор шахслар, шунингдек хайрия қилувчи ёки ҳомийда уларга нисбатан шахсий манфаатдорлиги бўлган шахслар фойдасига қабул қилинишига таъсир кўрсатмаслиги лозим.

35. Банк томонидан хайрия ёки ҳомийлик ёрдамини олишда қуйидаги талаблар бажарилиши лозим:

хайрия қилувчи ёки ҳомий билан албатта шартнома тузиш ва унда хайрия ёки ҳомийлик ёрдамини олиш ва ундан фойдаланиш мақсадлари, ёрдам шакллари, ёрдамнинг пул ифодасидаги суммаси, хайрия қилувчи ёки ҳомий олдида келиб тушган ёрдамдан мақсадли фойдаланиш тўғрисида ҳисоб бериш усули белгилаб қўйилиши лозим;

бундай шартномага коррупцияга қарши шартларни киритиш;

Банкнинг Интернет тармоғидаги расмий веб-сайтида олинган хайрия ёки ҳомийлик ёрдамига доир ахборотни жойлаштириш.

8-§ Ички хужжатларнинг коррупцияга қарши экспертизаси

36. Ички ҳужжатларнинг ҳукукий экспертизасини ўтказишида банкнинг **юридик хизмати томонидан комплаенс назорат департаменти** билан биргаликда коррупциявий ҳаракатларни амалга ошириш учун имконият яратувчи коррупциявий омиллар мавжудлиги ва уларни ҳужжатлардан чиқариб ташлаш мақсадида экспертиза ўтказади.

9-§ Банк фаолияти соҳасига янги технологияларни жорий этиш

37. Коррупциявий хавф-хатарларни минималлаштириш мақсадида банк ходимлари ўз функциялари ва лавозим мажбуриятларини ахборот технологияларидан фойдаланган ҳолда амалга оширади (агар имкони мавжуд бўлса).

38. Давлат харидлари доирасида танлов савдоларини ўтказишида банк ходимлари ахборот технологияларидан фойдаланади ва танлов савдолари иштирокчилари билан ўзаро алоқани электрон шаклда онлайн режимида бошқа электрон тизимлар билан интеграция қилиш имкониятини қўллаган ҳолда амалга оширади.

10-§ Банқдаги фаолиятни видеоқайд қилиш ва унинг трансляцияси

39. Банк биноларида ходимлар фаолиятини назорат қилиш мақсадида аудио ва видеоёзув камералари ўрнатилиб, улардаги ёзувлар банкнинг масъул ходимлари томонидан кўриб борилади.

40. Банкнинг Интернет тармоғидаги расмий сайтларида коррупция хавф-хатари юқори бўлган айрим жараёнларнинг онлайн трансляцияси жойлаштирилади (хусусан, ходимлар билан сухбат ўтказиш, уларни тестдан ўтказиш, комиссиялар йигилишлари ва ҳ.к.).

4 боб. Коррупцияга қарши қурашиш тизими элементлари

1-§ Коррупцияга қарши қурашиш бўйича муҳим ички хужжатлар мавжудлиги

41. Коррупцияга қарши қурашиш тизими асосини:

мазкур Сиёsat;

Банк ходимларининг одоб-аҳлоқ қоидалари;

Банкда манфаатлар тўқнашувини бошқариш тартиби тўғрисидаги Низомда акс эттирилган тамойиллар ва талаблар ташкил этади.

42. Банк раҳбарлари ходимларга олий раҳбарлик намунасини кўрсатиши лозим.

43. Банк раҳбари ва унинг ўринбосарлари, шунингдек банк таркибий бўлинмалари раҳбарлари ўзига бўйсунувчилар, фуқаролар ва юридик шахсларга нисбатан муносабатларда ҳалол, одил ва мустақил хулқ-атвор намунаси бўлиши ва шу орқали уларда коррупциявий ҳаракатларга нисбатан муросасиз муносабатни шакллантиришга хизмат қиласди.

44. Банк раҳбари ва уларнинг ўринбосарлари, шунингдек банк таркибий бўлинмалари раҳбарлари банк фаолиятининг хавф-хатар функциялари (йўналишлари)га коррупцияга қарши самарали чора-тадбирлар ва тартиб-таомилларни жорий этиш орқали коррупцияга қарши қурашишнинг самарали тизимини барпо этиш ва амалга оширишга нисбатан лидерликни намойиш қиласди.

2-§. Коррупциявий хавф-хатарни аниқлаш ва баҳолаш

45. Банк ўз фаолиятига хос коррупциявий хавф-хатарларни аниқлаш ва баҳолашни ташкилий тузилмалар функцияларининг хусусияти, жамият ва бошқа шахслар билан ўзаро муносабатлар, шунингдек банкда коррупциявий хавф-хатарларни баҳолаш услубиётига мувофиқ ташқи ва ички омилларни ҳисобга олган ҳолда амалда оширади.

46. Коррупциявий хавф-хатарларни баҳолаш бир йилда бир мартадан кам бўлмаган вақтда ўтказилади. Коррупциявий хавф-хатарларни баҳолаш натижалари банк бошқарув Раиси томонидан кўриб чиқилади. Аниқланган хавф-хатарларни минималлаштирувчи коррупцияга қарши қурашиш чора-тадбирлар ва тартиб-таомиллар банкнинг коррупцияга қарши дастур ёки йўл хариталарида акс эттирилади.

3-§. Коррупцияга қарши курашиш учун масъул

47. Банкда коррупцияга қарши курашишнинг самарали тизимини шакллантириш учун алоҳида коррупцияга қарши Комплаенс назорат тузилмаси ташкил этилади.

48. Банкда Коррупцияга қарши Комплаенс назорат тузилмаси ўз фаолиятини Комплаенс назорат департаменти тўғрисидаги низом асосида амалга оширади ва бевосита **банк Кенгашига** бўйсунади.

49. Банк бошқарув Раиси Коррупцияга қарши ички назорат тузилмасини банк коррупцияга қарши вазифаларни амалга ошириш учун етарли даражадаги мустақиллик ва зарур ресурслар билан таъминлайди.

50. Банкнинг Ходимлар билан ишлаш департаменти ““Туронбанк” АТБ бош банк ва филиалларида манфаатлар тўқнашувини бошқариш бўйича”” Низом, шунингдек Ўзбекистон Республикаси қонунчилиги нормаларида кўзда тутилган тартиб ва ҳажмда ходимларнинг яқин қариндошлари ва уларга алоқадор шахсларга доир маълумотларнинг тизимли ва ўз вақтида йиғилиши, таҳлил қилиниши ва актуаллаштирилиши учун жавоб беради.

51. Банкнинг бош офис ва барча филиалларида алоҳида Одоб-аҳлоқ комиссиялари фаолият юритади.

52. Банкдаги Одоб-аҳлоқ комиссиялари банкдаги ходимларнинг этик хулқ-атвор қоидалари билан белгиланган хулқ-атвор меъёрларига риоя қилиш масалаларини кўриб чикади, шунингдек ““Туронбанк” АТБ бош банк ва филиалларида манфаатлар тўқнашувини бошқариш бўйича”” Низомда белгиланган тартибда манфаатлар тўқнашуви билан боғлиқ вазиятларни тартибга солиш жараёнида иштирок этади.

4-§ Банкнинг коррупцияга қарши сиёсати тўғрисида ходимлар ва учинчи шахсларнинг хабардорлигини таъминлаш

53. Банк коррупциявий хавф-хатарларни қисқартириш ва жамият хабардорлигини ошириш мақсадида мазкур Сиёсат ва ўzlари томонидан амалга оширилаётган коррупцияга қарши курашиш чора-тадбирларга оид асосий ахборотларни расмий **веб-сайтларида** жойлаштиради.

54. Банк барча куч ва имкониятларини ходимлари ва бошқа манфаатдор шахсларга қўйидагилар орқали Ўзбекистон Республикасининг коррупцияга қарши қонунчилиги нормалари, шунингдек жорий этилган коррупцияга қарши тамоиллар, чора-тадбирлар ва талаблар тўғрисида хабар бериш ва уларни тушунтиришга сарфлайди:

Банк раҳбарияти томонидан электрон манзил ва бошқа алоқа воситаси орқали Банкда ходимлар томонидан коррупцияга қарши қабул қилинган нормалар ва талабларга риоя қилиниши муҳим эканлигига доир доимий хабарлар юбориш;

Банк ходимларини Банкда коррупцияга қарши курашиш масалалари бўйича ўқитишига доир режага мувофиқ коррупцияга қарши курашиш асослари бўйича мунтазам ва тизимли равишда бир йилда камида бир марта ўқитилиши ҳамда тестдан ўтказилишини таъминлаш;

Янги ходимларни ишга қабул қилаётганда ушбу Сиёсат ва банкнинг коррупцияга қарши курашишга доир бошқа ички хужжатлари билан албатта

таништирган ҳолда, улар учун коррупцияга қарши курашиш бўйича мажбурий курсларни ташкил этиш;

банкдаги коррупция хавф-хатари юқори бўлган лавозимлар учун коррупцияга қарши ўқитишининг кўшимча дастурлари белгиланади. Ўтказилган ўкув курслари/тренингларга оид маълумотлар Ўзбекистон Республикаси қонунчилигига белгиланган тартибда банкнинг Ходимлар билан ишлаш департаментида ҳамда банк ўкув марказида сақланади;

мавзуга доир аудио ва видеороликлар ҳамда банк ходимлари ва фуқароларнинг коррупцияга қарши курашиш ва уларда коррупцияга нисбатан муросасиз муносабатни шакллантириш бўйича амалга оширилаётган чора-тадбирлар тўғрисидаги хабардорлигини оширишга қаратилган бошқа ахборот материалларидан фойдаланган ҳолда коррупцияга қарши кампаниялар ташкил қилиш;

мазкур Сиёсат қоидаларини қўллаш ёки коррупцияга қарши чора-тадбирлар ва тартиб-таомилларни амалга ошириш билан боғлик саволлар туғилганда, Комплаенс назорат департаменти томонидан банк ходимларига маслаҳатлар бериш;

тасдиқланган режа асосида Комплаенс назорат департаменти томонидан Банкда коррупцияга қарши хулқ-атворни фаол тарзда тарғиб қилиш;

банк ходимлари меҳнат шартномаларига коррупцияга қарши қоидаларни киритиш. Банк мазкур Сиёсат кучга кирган вактдан бошлаб банкнинг янги ходимлари билан тузиладиган, шунингдек шартларни қайта кўриб чиқиши доирасида ходимларнинг амалдаги меҳнат шартномаларига коррупцияга қарши қоидаларни киритади;

банк контрагентлари, ҳамкорлари, хайрия қилувчилари, ҳомийлари билан тузиладиган шартномаларга коррупцияга қарши шартларни киритиш. Коррупцияга қарши шартлар мазкур Сиёсат кучга кирган вактдан бошлаб банкнинг янги контрагентлари, ҳамкорлари, хайрия қилувчилари, ҳомийлари билан тузиладиган шартномаларга киритилади. Коррупцияга қарши шартлар банкнинг барча шартномаларига киритилади (электрон дўкон, электрон аукцион орқали харид натижалари бўйича ва давлат табиий монополиялари (пошта, электр энергияси, газ таъминоти, сув таъминоти, темир йўллари, ҳаво йўллари ва х.к.) билан тузиладиган шартномалар бундан мустасно). Коррупцияга қарши шартлар мазкур Сиёсат қабул қилинишидан олдин тузилган шартномаларга шартларни қайta кўриб чиқиши доирасида ёки ташаббусга кўра киритилади.

5-§ Мониторинг, назорат ва ҳисобдорлик

55. Коррупцияга қарши курашиш учун масъул банкда амалга оширилаётган коррупцияга қарши тартиб-таомилларнинг доимий мониторинги, назорати ва уларнинг самарадорлиги, етарлилиги ва мутаносиблигини баҳоланишини амалга оширади. Ўтказилган мониторинг натижаларига кўра банкда коррупцияга қарши курашиш тизимини шакллантиришга доир тегишли чора-тадбирлар қабул қилинади.

56. Мониторинг ва назорат Банкда Коррупцияга қарши тартиб-таомилларнинг самарадорлигини мониторинг ва назорат қилиш услубиётига ва Банкнинг бошқа ички ҳужжатларига мувофиқ амалга оширилади.

57. Коррупцияга қарши курашиш тизими мониторинги қуидаги асосий йўналишлар бўйича амалга оширилиши лозим:

Банк фаолияти функциялари ва ўзига хос жиҳатлари, унинг ташкилий-функционал тузилмаси ҳамда бошқа ташқи ва ички омилларидаги ўзгаришларнинг банкнинг коррупцияга қарши курашиш тизими ва уни тўғирлаш зарурати, жумладан унинг Ўзбекистон Республикаси қонунчилигига мувофиқлигини таъминлашга таъсири таҳлили;

Ўзбекистон Республикасининг фаолиятида қўлланиладиган коррупцияга қарши курашиш соҳасидаги қонунчилиги ва ҳокимият органлари тавсияларининг мониторинги;

халқаро ва хорижий ташкилотларнинг коррупцияга қарши курашиш бўйича самарали тизимини яратиш ва қўллаб-куватлаш масалаларига доир тавсиялари мониторинги;

оммавий ахборот воситаларининг банк ёки ходимлари коррупциявий ҳаракатларга жалб қилинганлиги тўғрисидаги маълумотлар, шунингдек банк контрагентлари ёки ҳамкорлари тўғрисида худди шундай маълумотлар мавжудлиги юзасидан мониторинг;

самарасиз назоратлар ва тартиб-таомилларни аниқлаш учун уларни такомиллаштириш ҳамда коррупцияга қарши тизим ишончлилиги ва самарадорлигини таъминлаш мақсадида танлов асосида банкнинг ички жараёнлари ва функцияларини мониторинг қилиш;

банкнинг коррупцияга қарши дастури ёки йўл харитаси бандлари бажарилишининг тўлиқлиги ва самарадорлигини мониторинг қилиш;

банк ходимлари томонидан қабул қилинган коррупцияга қарши талаблар ва жорий этилган тартиб-таомилларга риоя қилинишини текшириш;

банк ходимларининг коррупцияга қарши асосий тамойиллар ва талаблар тўғрисида хабардорлигини текшириш;

58. Банкда коррупцияга қарши курашиш тизими самарадорлиги (коррупциявий хавф-хатарлар мавжуд эмаслиги) коррупцияга қарши курашиш тизимини ички аудитини ўтказиш, жумладан банкда белгиланган талаблар ва тартиб-таомилларга риоя этилишини назорат қилиш орқали текширилади.

59. Коррупцияга қарши курашиш тизимини мониторинг ва назорат қилиш тадбирлари якунлари ва натижалари коррупцияга қарши курашиш тизимининг ҳолати ҳақидаги ҳисоботларида акс эттирилади. Ҳисоботларни шакллантириш ва тақдим этиш тартиби банкда коррупцияга қарши курашиш тизимининг ҳолати ҳақидаги ҳисоботларини шакллантириш ва тақдим этиш бўйича ички идоравий ҳужжатда мустаҳкамлаб қўйилади.

6-§. Жавобгарлик

60. Мазкур Сиёсатга мос келиш ва банкнинг коррупцияга қарши талаблари ва тартиб-таомилларига риоя қилиш ҳар бир ходимнинг ўз лавозим мажбуриятларини бажариш доирасидаги мажбурияти ҳисобланади. Ходимлар мазкур Сиёсат ва банкнинг бошқа ички ҳужжатларида белгилаб қўйилган коррупцияга қарши курашиш масалаларига оид талаблар ва тартиб-таомилларни бузганлиги учун шахсан жавобгар бўлади.

61. Коррупцияга нисбатан муросасизлик (тоқатсизлик) тамойилига амал қилган ҳолда банкнинг барча ходимларига бевосита ёки билвосита, шахсан ёки воситачилар

орқали ҳар қандай коррупциявий ҳаракатларда иштирок этиш қатъян ман этилади, яъни:

ўз мансаб ва хизмат мавқеидан ноқонуний фойдаланиш, шунингдек хизмат мавқеи ва ваколатларини сунестемол қилиш мақсадида ҳар қандай шахслардан ноқонуний фойда талаб қилиш, сўраб олиш ёки сўраш, олишга розилик бериш ёки олиш, шунингдек ходим томонидан ўз лавозим мавқеидан банкнинг қонуний манфаатларига зид равишда, жумладан ўзи ва учинчи шахслар учун ноқонуний фойда олиш мақсадида ноқонуний фойдаланиш;

давлатнинг мансабдор шахси ёки бошқа ҳар қандай шахсга унинг ҳаракатларига таъсир ўтказиш (ҳаракатсизлигини таъминлаш) ва/ёки шахс, жумладан банк манфаатлари йўлида ноқонуний афзалликларни кўлга киритиш мақсадида лавозим мажбуриятларини ноқонунний тарзда бажаришга ундаш, ноқонуний фойда (пора, порахўрлик) ни таклиф қилиш, ваъда бериш, бунга ижозат бериш, тақдим этиш;

расмиятчиликларни соддалаштириш учун тўловлар ундириш, олиш ёки амалга ошириш;

порахўрлик ёки тижорий порага олишда воситачилик қилиш, жумладан пора олувчига ноқонуний фойдани топшириш ёки пора олувчи ёки берувчига улар ўртасида ноқонунний фойдани олиш ва бериш бўйича келишувга эришишда ёрдам бериш;

банк ходимларининг коррупция белгилари мавжуд бўлган ёки уни содир этиш, жумладан манфаатлар тўқнашуви ҳолатлари юзага келишига хизмат қилувчи бошқа ҳаракатлари ёки ҳаракатсизлиги.

62. Ходимлар ўз раҳбари ва банкнинг коррупцияга қарши курашиш бўйича масъулларига уларни коррупциявий ҳаракатларини содир этишга ундаш мақсадида мурожаат қилган шахслар билан боғлик, шунингдек уларга маълум бўлган бошқа ходимлар томонидан содир этилган коррупциявий ҳаракатларга оид барча ҳолатлар тўғрисида хабар бериши лозим.

63. Коррупцияга нисбатан муросасизлик (тоқатсизлик) тамойилини ҳисобга олган ҳолда банкда ходимлар томонидан коррупциявий ҳаракатлар содир этилганлигига доир ҳар бир асосли гумон бўйича банкда **хизмат текширувларини ўтказиш бўйича регламент** ва бошқа ички ҳужжатларда кўзда тутилган тартибда ҳамда Ўзбекистон Республикаси қонунчилиги талабларига мувофиқ хизмат текшируви ўтказилади.

64. Мазкур Сиёsat, коррупцияга қарши қонунчилик талаблари ва/ёки Банкнинг бошқа ички ҳужжатларида мустаҳкамлаб қўйилган коррупцияга қарши талаблар ва тартиб-таомилларни бузган банк ходимлари лавозими, хизмат муддати ва бошқа омиллардан қатъий назар Ўзбекистон Республикаси қонунчилиги ва банкнинг ички ҳужжатлари доирасида ва уларда кўзда тутилган асослар бўйича жавобгарликка тортилади.

65. Коррупциявий ҳаракатлар аниқланган тақдирда Коррупцияга қарши курашиш бўйича тузилма уларни юзага келиш сабаблари ва имкониятларини таҳлил қиласи ва доимий равишида коррупцияга қарши курашиш тизимини тақомиллаштиради.

66. Ички текширувлар натижалари доимий равишида раҳбарга, банк Кенгаши ва банкнинг тегишли таркибий бўлинмалари раҳбарларига тақдим этилади.

67. Банк коррупциявий хуқуқбузарликларни аниқлаш ва тергов қилиш учун хуқуқни муҳофаза қилиш ва бошқа давлат органлари билан ҳамкорлик қилади.

5 боб. Коррупциявий ҳаракатларга доир ҳабарлар

68. Банк ходимларининг ҳаракатлари қонунийлиги ёки этикага мослиги юзасидан шубха, коррупциявий ҳаракатлар ёки бошқа қоидабузарликлар билан боғлиқ тахминлар ёки содир этилганлигига оид асосли гумонлар юзага келган тақдирда улар ҳақида банкнинг умумфойдаланувидаги алоқа каналлари орқали очик ҳабар берилиши мумкин.

69. Банк ўз ваколатлари ва мавжуд имкониятлари доирасида қоидабузарликка оид асосли ахборотни тақдим этган шахсга доир маълумотлар махфийлигини таъминлайди, Ўзбекистон Республикаси қонунчилигига кўзда тутилган ҳолатлар бундан мустасно.

70. Банк ўз ходимлари манфаатларини ҳимоя қиласи ва бошқа ходимларнинг шубҳали хулқ-атвори ёки мазкур Сиёсатнинг коррупцияга қарши курашиш талаблари бузилган бўлиши мумкинлиги ҳақида вижданан ҳабар берган ходимларга нисбатан ишдан бўшатиш, лавозимини тушириш, дискриминация, зулм ўтказиш, таъқиб қилиш сингари ўч олиш ҳаракатларига йўл қўйилмаслигини кафолатлади.

71. Банкнинг алоқа каналлари орқали келиб тушган барча ҳабарлар банк масъул шахслари томонидан Ўзбекистон Республикаси қонунчилиги, банқдаги коррупциявий ҳаракатлар тўғрисида ҳабар беришга мўлжалланган алоқа каналлари орқали келиб тушган ҳабарларни қабул қилиш ва уларни кўриб чиқишга оид ички хужжатлар ва банкнинг бошқа ички хужжатларига мувофиқ ўз вақтида ва холисона кўриб чиқилади.

72. Банк ходимлари томонидан атайлаб ёлғон ҳабар юбориш мазкур Сиёсат талабларини бузиш ва этикага зид хулқ-атвор намунаси сифатида баҳоланади, бу ҳақида ҳабар берган шахс эса ўз навбатида Ўзбекистон Республикаси қонунчилиги ва банкнинг ички хужжатларига мувофиқ жавобгарликка тортилиши мумкин.

6 боб. Якуний қоидалар

73. Мазкур Сиёсат қуйидаги ҳолларда қайта кўриб чиқилиши ва тўғриланиши мумкин:

мавжуд коррупцияга қарши сиёсатлар ва тартиб-таомилларни қайта кўриб чиқиш заруратини юзага келтирувчи Ўзбекистон Республикасининг коррупцияга қарши кураш соҳасидаги қонунчилиги ўзгарганда;

самарасиз коррупцияга қарши назорат тадбирлари ва тартиб-таомиллари аниқланганда, шунингдек банк фаолиятида коррупциянинг олдини олиш ва унга қарши курашга қаратилган комплекс чора-тадбирларни такомиллаштириш зарурати юзага келганда;

Банкнинг ташкилий тузилмаси ва/ёки функцияларининг ўзига хос жиҳатлари ўзгарганда ва ҳ.к.

74. Ушбу Сиёсат банк Кенгаши томонидан тасдиқланиб рўйхатга олинган кундан бошлаб кучга киради.

Мазкур сиёсат кучга кирган кундан бошлаб Банк АТБ Кенгашининг 2021 йил 7 январдаги К-З-сонли Қарори билан тасдиқланган “Коррупцияни олдини олиш ва унга қарши курашиш чоралари тўғрисида”ги Сиёсати ўз кучини йўқотади.

Киритилди:

Комплаенс назорат департаменти
директори в.б.

М.Д.Мирзаев

Келишилди:

Бошқарув Раисининг
биринчи ўринбосари

А.Т.Ташев

Бошқарув Раиси
ўринбосари

С.Т.Калдибоев

Бошқарув Раиси
ўринбосари

Д.А.Рустамов

Бошқарув Раиси
ўринбосари

Дж.А.Ташкулов

Бухгалтерия ҳисоби ва
молиявий ҳисобот
департаменти директори в.б.

Т.Х.Ахмедов

Ғазначилик ва қимматли
қоғозлар департаменти директори в.б.

И.З.Қутбиддинов

Ходимлар билан ишлаш
департаменти директори

Ш.А.Ибрагимова

Юридик департаменти
директори

Б.Н.Арипов

Ички аудит департаменти
директори в.б.

У.И.Тангиров

Банк аппарати раҳбари

Ш.М.Хамраев

Кредитлаш департаменти
директори в.в.б

У.Н.Үтанов

Инвеститция фаолиятини
мувофиқлаштириш ва лойиҳаларни
бошқариш маркази директори в.в.б.

А.А.Муаззамов

Банк рискларини бошқариш
департаменти директори в.б.

Ш.Э.Бозоров

Ташқи иқтисодий фаолият
департаменти директори

Б.У.Ахмедов

Ахборот технологиялари
департаменти директори

Б.Н.Деканов

Банкни стратегик
ривожлантириш ва маркетинг
департаменти директори

Ф.А.Рўзиқулова

Чакана хизматлар кўрсатиш
департаменти директори

Р.Ш.Файзиев

Банк хавфсизлиги ва ахборотларни
муҳофаза қилиш бошқармаси
бошлиғи

Н.И.Тангнибердиев

Лойиҳаларни бошқариш
офиси раҳбари

Ф.А.Исмаилов

Ишлар бошқармаси бошлиғи

А.А.Шаққулов